

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU

Broj: 65 0 St 765800 19 St
Sarajevo, 21.10.2025.godine

Općinski sud u Sarajevu, i to stečajni sudac Zlatan Bilić, u stečajnom postupku nad imovinom stečajnog dužnika "ENTEA" d.o.o. Sarajevo - U STEČAJU, sa sjedištem u Hifzi Bjelevca br. 82, Sarajevo, donio je van ročišta, dana 21.10.2025. godine, sljedeće:

R J E Š E N J E

I - Mijenja se Tabela utvrđenih potraživanja od dana: 17.03.2022. godine, izmijenjena tabelom utvrđenih potraživanja od dana 21.09.2022. godine i to za povjeritelja:

1. Kristijan (Ivan) Čolak, (redni broj 41. – u Tabeli od 17.03.2022. godine), u skladu sa izjašnjenjem stečajnog upravitelja od dana 23.09.2025. godine, tako da je izvršena promjena u:
 - koloni 5. — Priznato utvrđeno, umjesto 33.604,81 (KM) sada stoji 33.604,86 (KM)
2. Privredna banka Sarajevo d.d., (redni broj 70. - u Tabeli od 17.03.2022. godine), u skladu sa sljedećim sudskim odlukama: presuda Općinskog suda u Sarajevu broj: 65 0 Ps 848804 20 Ps od 17.11.2023. godine i presuda Kantonalnog suda u Sarajevu broj: 65 0 Ps 848804 24 Pž od 19.02.2025. godine, a vezano za dopunu prijave potraživanja stečajnog povjeritelja Privredna banka Sarajevo d.d. Sarajevo, od 21.04.2025. godine, tako da je izvršena promjena u:
 - koloni 3. — Prijavljeno potraživanje, umjesto 965.450,79 (KM) sada stoji 3.633.104,78 (KM)
 - koloni 5. — Priznato utvrđeno, umjesto 346.450,79 (KM) sada stoji 3.014.104,78 (KM)
 - koloni 8. — Isplatni red Opći, umjesto 346.450,79 (KM) sada stoji 3.014.104,78 (KM)
3. Mujkić Ramiz, (redni broj 79. – u Tabeli od 17.03.2022. godine), u skladu sa izjašnjenjem stečajnog upravitelja od dana 23.09.2025. godine, tako da je izvršena promjena u:
 - koloni 5. — Priznato utvrđeno, umjesto 4.308,00 (KM) sada stoji 4.788,00 (KM)
4. ŠERO-AUTO d.o.o. (redni broj 89. – u Tabeli od 17.03.2022. godine), u skladu sa izjašnjenjem stečajnog upravitelja od dana 20.10.2025. godine, ostaje upisan kako je izvorno uneseno u Tabeli od 17.03.2022. godine.

5. FABRIKA CEMENTA LUKAVAC d.d. Lukavac (nj. pravni sljednik LUKAVAC CEMENT d.o.o. Lukavac), (redni broj 92. – u Tabeli od 17.03.2022. godine), u skladu sa izjašnjenjem stečajnog upravitelja od dana 20.10.2025. godine, ostaje upisan kako je izvorno uneseno u Tabeli od 17.03.2022. godine.
6. VELBOS D.O.O. SARAJEVO (redni broj 95. – u Tabeli od 21.09.2022. godine), u skladu sa izjašnjenjem stečajnog upravitelja od dana 23.09. i 20.10.2025. godine, tako da je izvršena promjena:
 - povjeritelj sada zauzima redni broj 96. tabele
7. JAVNA ZDRAVSTVENA USTANOVA UNIVERZITETSKI KLINIČKI CENTAR TUZLA (redni broj 96. – u Tabeli od 21.09.2022. godine), u skladu sa izjašnjenjem stečajnog upravitelja od dana 23.09. i 20.10.2025. godine, tako da je izvršena promjena:
 - povjeritelj sada zauzima redni broj 97. tabele
8. UPOSLENICI (redni broj 96. – u Tabeli od 17.03.2022. godine), u skladu sa izjašnjenjem stečajnog upravitelja od dana 23.09. i 20.10.2025. godine, tako da je izvršena promjena:
 - povjeritelj sada zauzima redni broj 98. tabele

II – U posljednjem redu tabele utvrđenih potraživanja (UKUPNO), a u skladu sa obračunom stečajnog sadržanom u izjašnjenju od dana 23.09.2025., a naročito od dana 20.10.2025. godine, vrši se izmjena tabele na način da u:

- koloni 3. — Prijavljeno potraživanje, umjesto 13.270.376,88 (KM) sada stoji 16.068.329,57 (KM);
- koloni 5. — Priznato utvrđeno, umjesto 11.720.828,61 (KM) sada stoji 14.510.461,08 (KM);
- koloni 6. — Osporeno, umjesto iznosa 1.549.548,27 (KM) sada stoji 1.557.257,49 (KM);
- koloni 7. — Isplatni red Viši, umjesto 979.158,97 (KM) sada stoji 978.060,53 (KM);
- koloni 8. — Isplatni red Opći, umjesto 10.741.669,64 (KM) sada stoji 13.532.400,55 (KM).

III – Ispred kolona u Tabeli utvrđenih potraživanja od dana: 17.03.2022. godine, izmijenjena tabelom utvrđenih potraživanja od dana 21.09.2022. godine, dodaje se kolona 0, tako da kolona 0. sadrži redne brojeve stečajnih povjeritelja, a kolona 1. sadrži brojeve prijave.

O b r a z l o ž e n j e

Stečajni upravitelj je podneskom od 04.08.2025. godine predložio da se izvrši korekcija Tabele utvrđenih potraživanja od dana: 17.03.2022. godine, i to u pogledu dopunske prijave potraživanja

povjerioca pod rednim brojem 70. Privredna banka d.d. Sarajevo broj: 03-02-234/25 kojom se traži priznanje potraživanja koje se mora isplatiti po presudi ovog suda broj: 65 0 Ps 848804 20 Ps od 17.11.2023. godine i to u iznosu od 2.667.653,99 KM. Stečajni upravitelj navodi kako je odlukom II. održane Skupštine povjeritelja od 26.05.2022. godine bio zadužen da prati tijek predmetnog postupka, te da se u pogledu osnovanosti potraživanja izjasni po okončanju predmetnog spora. S tim u vezi, stečajni upravitelj je predložio da se tabela od 17.03.2022. godine (a koja je ispravljena/dopunjena dana 21.09.2022. godine) ispravi, na način da se dopunjena prijava potraživanja ovog stečajnog povjeritelja prizna i unese u cijelosti.

Kako je u podnesenom zahtjevu stečajni upravitelj naveo sudsku odluku na osnovu koje je utvrđen osnov za donošenje ovakve odluke, to je sud putem CMS-a izvršio uvid u presudu Općinskog suda u Sarajevu broj: 65 0 Ps 848804 20 Ps od 17.11.2023. godine (kojom je tuženi dužan tužitelju isplatiti dug po osnovu izdate bankarske garancije za stečajnog dužnika u iznosu od 1.568.157,41 KM, sa zakonskim zateznim kamatama na navedeni iznos počev od dana 24.10.2018. godine pa do datuma plaćanja istog, kao i nadoknaditi tužitelju troškove parničnog postupka u iznosu od 33.288,86 KM), te presudu Kantonalnog suda u Sarajevu broj: 65 0 Ps 848804 24 Pž od 19.02.2025. godine (kojom se izjavljena žalba tuženog - garantora stečajnog dužnika - odbija kao neosnovana i prvostupanjska presuda potvrđuje).

Budući da je donošenjem odluke Kantonalnog suda u Sarajevu, prvostupanjska presuda protiv garantora stečajnog dužnika postala pravomoćna, sud nalazi da postoji osnov da se u korist istog izvrši korekcija tabele priznatih potraživanja, budući da stečajni upravitelj, uz odobrenje skupštine povjeritelja, priznaje potraživanje iz dopune potraživanja od 21.04.2025. godine, a kojim se u biti traži priznanje regresnog potraživanja garantora prema stečajnom dužniku i to u iznosu glavnice, iznosa zatezne kamate koja je tekla gotovo sedam godina i troškova postupka.

Također, podnescima od dana 23.09. i 20.10.2025. godine, stečajni upravitelj je predložio da se izvrše manje korekcije tabele utvrđenih potraživanja od dana: 17.03.2022. godine, izmijenjene tabelom utvrđenih potraživanja od dana 21.09.2022. godine, na način da se iste objedine u jedinstvenu tabelu, te da se izmijene određene računске greške u pogledu potraživanja stečajnih povjeritelja: Kristijan (Ivan) Čolak, redni broj 41. i Mujkić Ramiz, redni broj 79., tj. da se izvrši manja korekcija pogrešno upisanih iznosa priznatog potraživanja. U predmetnim podnescima stečajni upravitelj je predložio i da se izvrši korekcija iznosa priznatog potraživanja za povjeritelje pod rednim brojem: 56., 57., 58., 59. i 89. (pri čemu se očigledno misli na povjeritelja UNIS KOMERC d.d. Sarajevo, pod rednim brojem 90.), međutim uvidom u tabelu od 17.03.2022. godine, sud konstatira da je u odnosu na iste već pravilno unesen iznos priznatih potraživanja.

Osim toga, stečajni upravitelj je predložio da se u tabelu unesu povjeritelji ŠERO-AUTO d.o.o. i FABRIKA CEMENTA LUKAVAC d.d. Lukavac (nj. pravni sljednik LUKAVAC CEMENT d.o.o. Lukavac i to pod rednim brojem 89. i 92., međutim isti su već uneseni u tabelu od 17.03.2022. godine, pa nije bilo potrebe za intervencijom u pogledu istih. S tim u vezi, budući da je stečajni upravitelj objedinio tabelu od 17.03.2022. godine, sa tabelom od 21.09.2022. godine, to povjeritelji VELBOS D.O.O. SARAJEVO i JAVNA ZDRAVSTVENA USTANOVA UNIVERZITETSKI KLINIČKI CENTAR TUZLA, koji su uneseni u tabeli od 21.09.2022.

godine, pod rednim brojem 95. i 96., u novoj tabeli zauzimaju mjesta 96. i 97., dok je stečajni povjeritelj označen kao UPOSLENICI, pomjeren sa 95. na 98. mjesto.

Konačno, stečajni upravitelj je podnescima od 23.09. i 20.10.2025. godine predložio da se u objedinjenoj tabeli iskaže ukupni zbir svih prijavljenih, priznatih, osporenih potraživanja, kao i potraživanja po osnovima, pa je u objedinjenu tabelu unesen i ovaj iznos, pri čemu sud primjećuje da je u podnesku stečajnog upravitelja od 20.10.2025. godine, za kolonu priznato, pogrešno naveden iznos: 14.510.3461,88,16 KM, što predstavlja očiglednu grešku u kucanju. Imajući u vidu da je iznos priznatih potraživanja jednak iznosu priznatih potraživanja općeg i višeg isplatnog reda, koja je stečajni upravitelj priznao u iznosima od 978.060,53 (KM) i 13.532.400,55 (KM), to njihov zbir daje 14.510.461,08 KM, pa je ovaj iznos unesen u objedinjenu tabelu. Pri tome, sud primjećuje da je isti iznos unesen i u prijedlogu tabele utvrđenih potraživanja dostavljene u prilogu podneska stečajnog upravitelja od 20.10.2025. godine.

Imajući u vidu sve navedeno, sud nalazi da je osnovan zahtjev stečajnog upravitelja za izmjenu Tabele od 17.03.2022. godine, izmijenjene tabelom utvrđenih potraživanja od dana 21.09.2022. godine, kako je to navedeno i u dispozitivu ovog rješenja, a sve u smislu odredbe člana 114. stav 4. i 5. Zakona o stečajnom postupku Federacije Bosne i Hercegovine ("Službene novine Federacije Bosne i Hercegovine", broj: 29/03, 32/204, 42/06 i 52/18).

Stečajni sudac
Zlatan Bilić

Pouka o pravnom lijeku: Protiv ovog rješenja dozvoljena je žalba Kantonalnom sudu u Sarajevu u roku od 8 dana od dana objavljivanja. Žalba se podnosi putem ovog suda, u tri primjerka.